

Les plus anciens documents linguistiques de la France

Corpus : (chPoit)

Responsable du corpus : -

Édition de la charte : -

chPoit009

Édition critique

1298, 30 avril.

Type de document: Charte: vente

Objet: Guillaume Ronbineau de Chaveignes vend au couvent de Notre-Dame de Loudun un setier annuel de froment et le cens habituel pour le prix de quarante sous.

Support: Charte autrefois scellée.

Lieu de conservation: Archives Départementales de la Vienne, D, 148. — Collège de Sainte-Marthe.

Transcription de la charte

1 Sachent tuit *que* en la court le roy de France à Lodun *par* davant nous en droit *personement* establiz, **2** Guil\2laume Robineau de Chaveignes recognut *que* il a vendu e otreié e neys vendit, davant nous [e] [otreaia] \3 à toz jourz mes, pour soy e pour ses *hoirs*, **3** à religious homes, au *priours* e au couvent de Nostre Da[me] [do] [chaste]\4au de Lodun e à leurs successours e à ceous qui ont e auront cause de ous **4** un *sextier* de froment de annu\5au moeson à la mesure de Lodun e le cens usuau; **5** le quel doit Pierre Barengier, sicome il conffessa davant \6 nous, assis sus une piece de *terre* qui est apellee le Champ de Varennes joignant à la terre [...] ^[1] e de \7 crue d'une *partie*, **6** e à la veie *par* la quelle l'en vait de Estrepié à Chinon de l'autre [part]ie **7** e contiennent, \8 sicome l'en dit, sex ouvres de *terre* ou environ; e mueit e est tenue do dit *priours* à *terrage*. **8** E fut \9 faite ceite *vencion* pour le pris de quarante souz de la *monaye* corrant, des quex le dit vendeor se tint \10 davant nous bien pour païé en deners *numbrez*, e *abrenuncia* à *excepcion* de deners non *numbrez* \11 e non *renduz*. **9** La quelle moeson e le *cens* de sus dite, le dit vendeor *promist* e est tenuz *par* sa foy en \12 *nostre meyn* donee e sus l'obligement de touz ses biens moibles e non moibles, *presenz* e à venir, garentir \13 e deffendre de touz e contre touz aus diz achateors e à leurs successours, e de touz *enpeschemenz* \14 delivrer e lour faire valeir la dite *terre*, la dite moeson, si elle ne la valoit. **10** E le dit Pierre *promist* \15 e est tenuz rendre à toz jourz mes aus diz achateors e à ceous qui ont e auront cause de ous \16 la dite moeson assise sus la dite *terre* en la feste de saint Michau chescun an; **11** e *promist* *ensurquetout* *par* \17 sa foy le dit vendeor *que* il ne vendra jamés, **12** ne ne fera venir *par sey* ne *par autre* contre ceite \18 *vencion* ne contre la tenour de ceites leitres, **13** ne

jamés riens ne demandera, ne ne fera \19 *demandar* en la dite piece de terre ne en la dite moeson, *par* nulle raison ne *par* nulle cause·
14 E abre\20*nuncia*, quant à ce, à toute *excepcion* de barat, de *decepcion* e en fait e à tout aide e *benefice* de \21 droit escrit e non escrit, **15** à tout *privileige* de croiz e à tout autre *privileige* doné e à doner \22 e à toutes autres raisons e *excepciones* de droit e de fait qui porreient estre dites contre \23 ceites leitres· **16** E nous le dit vendeor e le dit Pierre davant nous *presenz* e *consentanz* \24 de ce tenir e garder, sanz jamés venir encontre, avon condampnez e jugez *par* le ju\25gement de la court le rey· **17** Ce fut fait à Lodun le mer credi avant la feste de saint Pheli\26pe e de saint Jasme, l'an de grace mil dous cenz quatrevinz e dez e oyt·

Notes de transcription

^[1] 8 à 9 lettres très douteuses à cause du mauvais état de la charte à cet endroit .